

IZVJEŠTAJ O RADU UDRUŽENJA „NOVA GENERACIJA“ ZA 2014. GODINU

1. UVOD

Udruženje „Nova generacija“ je nestranačko, nevladino, neprofitno i humanitarno udruženje socijalnih radnika i drugih profesionalaca u oblasti socijalnih djelatnosti.

NAŠA VIZIJA: Svako dijete ima pravo na srećno djetinjstvo, porodicu i dom koji mu pružaju roditelji i društvo. Svaka osoba ima pravo na život dostojan čovjeka!

NAŠA MISIJA: Udruženje “Nova generacija” je svojim aktivnostima usmjereno na promovisanje i zaštitu ljudskih prava, prvenstveno prava djeteta, te na implementaciju programa za zaštitu ugroženih kategorija, djece i mladih. Naše aktivnosti su usmjerene na izgradnju društva koje će biti odgovorno prema svim svojim članovima, posebno djeci, kroz informisanje, edukaciju i aktivno uključivanje svih segmenata društva u procese promjene.

Udruženje je u toku godine angažovalo 336 volontera na 7 volonterskih programa te pomoći u poplavama i distribuciji humanitarne pomoći.

2. ORGANIZACIONA STRUKTURA

Organi «Nove generacije» su: Skupština, Upravni odbor i Izvršni direktor. Skupštinu čini 15 , Upravni odbor broji 4 članova (Draško Gajić - v.d. predsjednik UO, Boris Makarić, Zorica Blagojević i Biljana Crnadak), a izvršna direktorica je Maša Mirković. Mandat svih osoba u organima upravljanja je 4 godine, sa mogućnošću reizbora.

Dosadašnji Predsjednik UO i Skupštine Udruženja Bojan Arula se početkom jula mjeseca povukao sa mjesta Predsjednika zbog nemogućnosti praćenja aktivnosti Udruženja Nova generacija.

Udruženje je u 2014. godini zaposlilo preko ugovora o radu na neodređeno vrijeme dvije osobe (Maša Mirković i Zorica Blagojević), preko ugovora o radu na određeno vrijeme 5 osoba, angažovalo određen broj spoljnih saradnika, veći broj volontera i dalo stipendije za veći broj studenata, po projektima, a sve odluke o zapošljavanju i stipendiranju članova donosio je upravni odbor, u pismenoj formi.

Knjige i finansije organizacije vodi knjigovodstveni biro Marić, Banja Luka, a svi finansijski poslovi se vode u skladu sa zakonom i internim Pravilnikom o finansijskom poslovanju. Udruženje ne naplaćuje članarinu i finansira svoj rad preko projekata i donacija.

Sjedište Udruženja je u Banjaluci, Njegoševa 23, objekat dobijen po ugovoru na korištenje od strane JU Centar za socijalni rad Banja Luka na neodređen period, bez naknade za korištenje. Kancelarije su dobro opremljene i posjeduju svu neophodnu tehničku opremu za rad organizacije. Administrator Udruženja redovno vodi popis stalnih sredstava. Udruženje trenutno broji 179 člana.

3. PROGRAMSKE AKTIVNOSTI I PROJEKTI ORGANIZACIJE

Udruženje Nova generacija je u ovoj godini nastavilo sa implementacijom projekata i usluga koje je pokrenuli u prethodnom periodu. To su:

- 1) **Dnevni centar za djecu** čiji je rad podržan od Save the Children International i JU Centra za socijalni rad Banjaluka. Osnovni cilj programa Dnevnog centra za djecu jeste uspostavljanje održivog i sveobuhvatnog modela podrške i zaštite djece u pokretu, djece izložene životu i radu na ulici i djece u riziku u Gradu Banja Luka. Dnevni centar svojim korisnicima pruža usluge: obezbjeđivanja obroka, održavanja higijene, obezbjeđivanja

donacija (školski pribor, odjeća i obuća, higijenski proizvodi), podrške u savladavanju školskog gradiva, učešća na edukativnim, kreativnim, preventivnim i sportsko-rekreativnim radionicama/aktivnostima, pružanja psihosocijalne podrške i uslugu podrške roditeljima (informativni i savjetodavni razgovori), te saradnje sa relevantnim ustanovama u sistemu podrške djetetu. U 2014. godini usluge Dnevnog centra je koristilo 106 djece i 50 roditelja. Takođe, u rad Dnevnog centra su bila/e uključena/ne ukupno 32 volontera/ke. Dnevni centar je svoj rad tokom 2014. godine značajno unaprijedio, te postao značajan faktor u sistemu podrške djeci u našem Gradu. Pored saradnje sa JU "Centar za socijalni rad" Banja Luka, osoblje Dnevnog centra saraduje sa stručnim timovima osnovnih i srednjih škola koje korisnici pohađaju obezbjeđujući da se krug podrške djetetu proširi. Model rada Dnevnog centra koji je do danas razvijen dovodi do stvarnih i direktnih promjena u životima djece i njihovih porodica, predstavlja jednu od razvijenijih usluga u oblasti socijalne zaštite u našem Gradu što svi rezultati i pokazuju.

- 2) **Prihvatna stanica za djecu zatečenu u skitnji i prosjačenju** koja je proširena usluga Centra za socijalni rad Banjaluka te je od strane Centra i finansirana. U toku 2014. godine u prostorije Prihvatne stanice je zbrinuto 51 maloljetnih i 6 punoljetnih lica iz više gradova iz Bosne i Hercegovine (Mostar, Sarajevo, Tuzla, Zenica, Modriča..). Od navedenog broja zbrinutih maloljetnih lica u našim prostorijama boravilo je 28 djevojčica i 23 dječaka. Primarni cilj zbrinjavanja maloljetnika je kratkotrajni smještaj u kriznim i po život rizičnim situacijama u kojima se maloljetna lica nalaze u datom trenutku. JU "Centar za socijalni rad" Banjaluka i MUP RS svojim aktivnostima na terenu prepoznaju, identifikuju i zbrinjavaju maloljetna lica smještajem u naše prostorije gdje se oni dalje uključuju u program rada Prihvatne stanice koji ima za cilj pružanje sigurnog utočišta za djecu. Sva lica smještena tokom 2014. godine su nakon kraćeg ili dužeg boravka adekvatno zbrinuta nakon sprovedenih aktivnosti od strane nadležnih centara za socijalni rad.
- 3) **Tim za hitne intervencije** koji je također proširena usluga Centra za socijalni rad Banjaluka te je također od strane njega i finansiran. U toku 2014. godine Tim za hitne intervencije imao ukupno 210 izlazak na teren i to: 126 izlazaka u slučaju nasilja u porodici, 48 izlazaka po pitanju regulisanja kontakata, 17 izlazaka u slučaju zbrinjavanja maloljetnika i 19 izlazaka u slučaju zbrinjavanja punoljetnih lica.
- 4) Projekat **Stariji brat, starija sestra** se uspješno realizuje od 2002. godine u partnerstvu sa JU Dječijim domom „Rada Vranješević„ sa ciljem da pruži podršku u poboljšanju kvaliteta života djece bez roditeljskog staranja kroz individualna druženja volontera i djece te kroz različite grupne aktivnosti. Od septembra 2014. godine ovaj dugogodišnji projekat podržan je od strane dva donatora: Fondacije Mozaik uz podršku Fondacije Light for the World iz Austrije, Austrijske razvojne agencije (15.09.2014. – 15.01.2015.) i Udruženja NarkoNe uz podršku Fondacije Medicor iz Lihtenštajna (01.09.2014. – 30.06.2015.). Ove godine projekat je podržala i lokalna zajednica: Muzej Republike Srpske, Univerzitetska biblioteka RS, Pozorište mladih DiS. Tokom 2014. godine kroz projekat je angažovano 58 volontera, većinom studenata humanističkih nauka, dok je u projektu učestvovalo 50-ak djece koji su učestvovali u različitim aktivnostima. Aktivnosti koje su realizovane tokom 2014. tokom projekta su: promocija i regrutacija volontera, intervjuisanje i edukacija volontera, individualno druženje dijete – volonter (odlasci na različita korisna i interesantna mjesta za djecu u lokalnoj zajednici – kino, tržni centri, pozorište, izlet na Banj brdo, crkvu, bus-stanicu, opština, tržnicu i sl. pomoć u učenju, igra i sl.), organizovani grupni odlasci u Muzej na interaktivne radionice u cilju upoznavanja sa sadržajima u Muzeju, glumačka sekcija na kojoj su djeca pripremila predstavu, foto sekcija na kojoj su djeca naučila kako nastaju različite fotografske forme, odlasci u Univerzitetsku biblioteku – dječiji odjel u cilju upoznavanja sa sadržajima koje nudi biblioteka, obezbjeđen je logoped za djecu koja imaju smetnje u govoru i druge

karakteristične poteškoće koje razrješava logoped. Pripremljena je i priredba na kojoj će djeca pokazati šta su naučila tokom glumačke i fotosekcije.

- 5) Akcija ***Kad malo znači mnogo***, humanitarna akcija prikupljanja hrane, higijene, garderobe, školskog pribora i sl. za potrebe Dневnih centara za djecu. U okviru ove akcije prikupljali smo školski pribor i slatkiše za djecu iz Dневnog centra u Mrkatoru/Konzumu, ali smo tokom 2014. godine usljed poplava organizovali i niz akcija prikupljanja hrane i higijene za ugroženo stanovništvo u nekoliko tržnih centara Intereks, Tempo, Merkator, AS market. U ovim aktivnostima je učestvovalo oko 30 volontera/ki koji su svojim angažmanom doprinjeli uspješnoj realizaciji ove vrste humanitarnih akcija.
- 6) ***Za žene da znaju*** podržan od strane organizacije ICVA iz Sarajeva. Cilj projekta je bio jačanje svijesti i povećanje znanja žena, sa fokusom na žene u ruralnim područjima grada Banjaluke, o problemu diskriminacije i neravnopravnosti žena. Kroz ovaj projekat 240 žena je upoznato sa pojmom diskriminacije, neravnopravnosti, osnovnim ljudskim pravima i slično te sa mehanizmima zaštite i akterima u zajednici od kojih mogu tražiti pomoć ukoliko smatraju da su njihova prava, dostojanstvo i integritet ugroženi. Od 20 mjesnih zajednica u kojim je održana edukacija 14 je pripadalo ruralnim dijelovima, dok je 6 pripadalo urbanim dijelovima grada.
- 7) ***Maslačak*** održan od strane Američke ambasade. Cilj projekta bila je detraumatizacija, podsticanje samopouzdanja i pružanje emotivne podrške djeci žrtvama i potencijalnim žrtvama trgovine ljudima; edukacija stručnjaka u prosvjeti i sistemu socijalne zaštite o načinima rada na prevenciji trgovine ljudima i senzibilisanje javnosti, djece i stručnjaka za problem zaštite djece od rizika trgovine ljudima. Ciljevi su ostvareni putem radionica sa djecom, pripremom i podjelom promotivnog materijala na ovu temu i organizovanjem seminara za stručnjake u obrazovnom sistemu i sistemu socijalne zaštite. Projekat je imao direktan uticaj na oko 100 dece, koja su boravila u Sigurnoj kući (individualni savetodavni razgovori sa decom i psihološke radionice), Dnevnom centru za decu (kreativne i psihološke radionice) i bila uključena u preventivne psihološke radionice u osnovnoj školi u navedenom periodu. Takođe, seminar koji je organizovan sa ciljem edukacije i senzitivacije stručnjaka koji rade sa decom, okupio je 50 profesionalaca zaposlenih u školama, centrima za socijalni rad, domovima za decu bez roditeljskog staranja i sl. Supervizijski razgovori sa osobljem Sigurne kuće odnosili su se na 5 osoba, a tokom realizacije projektnih aktivnosti redovno je održavana komunikacija sa stručnjacima u sistemu socijalne zaštite i obrazovnog sistema, njih ukupno 15. Dakle, projekat je obuhvatio oko 170 osoba.
- 8) ***Svojim rukama ka rješenju*** podržan od strane Fondacije Mozaik. Cilj projekta je bio povećanje samostalnosti mladih ljudi bez obrazovanja ili sa stečenim nekonkurentnim zanimanjem kroz obuke u sticanju različitih praktično primjenjivih vještina. Tokom četiri mjeseca trajanja projekta realizovano je 8 edukacija (kurs moleraja, nadogradnja noktiju, varenje, osnovni kurs popravke bicikala, osnove permakulturnog uzgoja voća i povrća, šnajderski kurs, izrada solarnih igračaka, decoupage tehnika i slikanje na stakla) i barem jedan od ponušenih edukacija je prošlo 40 mladih. U projektu je učestvovalo 30 volontera koji su pomagali u realizovanju aktivnosti. Kraj projekta je obeležen mini sajmom u Domu omladine gde su mladi izložili svoje radove pokazavši vještine koje su savladali.
- 9) ***Istraživanje o učinku programa „Sprječavanje nasilja nad djecom u BiH“*** Udruženje Nova generacija je tokom 2013. godine bilo član Nezavisnog monitoring tima za praćenje Državne strategije za borbu protiv nasilja nad djecom u Bosni i Hercegovini 2011 – 2014/15. godine, a u okviru projekta „Jačanje uloge organizacija civilnog društva u praćenju Državne strategije za borbu protiv nasilja nad djecom u Bosni i Hercegovini 2011 – 2014/15. godine“, koji je realizovalo Udruženje VESTA Tuzla sa partnerima, Udruženjem Zemlja djece Tuzla i Ministarstvom za ljudska prava i izbjeglice Bosne i

Hercegovine. Udruženje Nova generacija je, kao jedna od članica Nezavisnog monitoring tima, učestvovalo u izradi prvog Izvještaja u sjeni o sprovedbi Državne strategije za izvještajni period 2011/2012. U okviru rada Nezavisnog monitoring tima provedeno je i istraživanje sa djecom, roditeljima i osobljem škola o aproksimaciji stvarnog stanja o temama nasilja nad djecom, tačnije ispitivani su njihovi stavovi o ovom problemu. U istraživanju je učestvovalo ukupno 3547 ispitanika, od kojih 1688 djece i 1859 odraslih. Za potrebe istraživanja je kreiran i Upitnik koji je poslat svim relevantnim institucijama, a u vezi podataka i postupanja u vezi sa slučajevima nasilja nad djecom. Na kraju cjelokupnog procesa doneseno je nekoliko osnovnih zaključaka. Problem nasilja nad djecom u Bosni i Hercegovini jeste izražen i zahtjeva aktivno uključivanje institucija, ustanova, organizacija civilnog društva, medija i građana u borbu protiv nasilja nad djecom. Organizacije civilnog društva su važan faktor u ovom procesu i imaju kapacitete da budu nosioci dijela aktivnosti u saradnji sa relevantnim institucijama. Generalno govoreći, istraživanje koje je provedeno sa djecom nam ukazuje da su djeca spremna iznositi svoje stavove o problemu nasilja nad djecom, te da je važno da se glas djece čuje jer nam djeca na najbolji način mogu reći sa kojim problemima se susreću i kako možemo raditi na njihovom rješavanju.

- 10) **Kutak za djecu** Bosna i Hercegovina je u maju 2014. godine pogođena velikim poplavama u kojima je veliki broj gradova, opština i sela potopljen. U cilju obezbjeđivanja sigurnog okruženja, djeci i mladima koji su pogođeni poplavama, Udruženje Nova generacija u saradnji sa organizacijom Save the Children je otvorila Kutak za djecu u OŠ Borisav Stanković, u Banjaluci. Kutak za djecu je bio finansiran od strane UNICEF, SDC – Švicarski ured za saradnju u Bosni i Hercegovini i SIDA Švedska agencija za međunarodnu saradnju. Cilj rada Kutka za djecu je sveobuhvatna psihosocijalna podrška djeci ugroženoj od poplava u BiH sa fokusom na teritorije grada Banja Luka. Kutak je radio od 28.08. do 20.12.2014. godine svakim radnim danom od 11 do 15 časova. Tokom četiri mjeseca rada kroz igru i radionice su sa djecom obrađivane razne teme te su održane dvije ekološke radionice, jedna o protivpožarnoj zaštiti, tri o higijeni i zaštiti ličnog zdravlja, dve o ponašanju u saobraćaju, jedna uopšteno o elementarnim nepogodama, jedna o ulozi oružanih snaga tokom elementarnih nepogoda, jedna o prvoj pomoći i 12 psiholoških radionica. Edukacije su držali pojedinci iz Oružanih snaga BiH, NVO Centar za životnu sredinu, Udruženja Zdravo da ste, facilitatori zaposleni u Kutku i pojedinci građani. Kroz kutak je prošlo 239 dece i 41 odrasli.
- 11) **Pozivom ka rješenju** podržan od strane grada Banjaluka. Cilj projekta je bio povećanje dostupnosti ciljnoj grupi produženjem rada linije (Plavog telefona) i uvođenjem nove usluge (e-mail savjetovanja), pružanje stručne pomoći djeci i omladini ugroženim porodičnim i drugim prilikama, sprječavanje i prevencija nasilja, očuvanje mentalnog i fizičkog zdravlja djece te podsticanje normalnog i zdravog razvoja djece. Projekat traje od 1.09.2014. godine do 1.03. 2015 godine. Do sada je realizovana edukacija novih volontera kojom je edukovano 10 novih volontera i edukacija svih volontera za e-mail savjetovanje kojom je edukovano 22 volontera za e-mail savjetovanje. U procesu je pravljenje WEB stranice Plavog telefona koja će omogućavati e –mail savjetovanje.
- 12) **Školica za roditelje** podržan od strane Ministarstva porodice, omladine i sporta RS. Školica za roditelje ili kako vaspitati dijete u savremenom dobu je osamnaestočasovna (9 susreta po 2 sata) edukacija namjenjena prvenstveno roditeljima, ali i onima koji to žele da postanu. Edukacija obuhvata teme konstruktivne komunikacije, zahteve, kazne, pohvale i nagrade kao i obrađivanje vaspitnih stilova, izazova digitalnog doba, važnost igre i pronalaženje konstruktivnih načina reagovanja za pojedinačne lične slučajeve polaznika. Edukacija se odvija u manjim grupama kako bi svaki roditelj imao priliku postaviti pitanje i diskutovati o konkretnim situacijama sa kojima se susreće u procesu vaspitanja djeteta. Školicom za roditelje osnažujemo roditelje za nenasilne metode

vaspitanja i disciplinovanja djece kojim bi gradili odnos povjerenja i saradnje sa svojom djecom pripremajući ih za samostalni život u društvu u kojem žive. U 2014. Održana su dva ciklusa edukacije, a učestvovalo je 23 roditelja.

- 13) **Više znanja, više mogućnosti** podržan od strane Udruženja samarićanskih radnika (Arbeiter-Samariter-Bund, e.V. Germany) a sprovodio se u partnerstvu sa Humanitarnim udruženjem Altruist iz Mostara, Udruženje žena "Nada" iz Prijedora, Udruženje "Zemlja djece" iz Tuzle i Udruženje građana "Oaza" iz Trebinja. Problem koji je uočen je da u BiH ne postoji evidencija na jednom mjestu onih organizacija koje pružaju socijalne usluge za djecu u riziku, kao ni evidencija usluga koje te organizacije pružaju i kapacitet tih usluga. U cilju stvaranja novih mehanizama za povećanje vidljivosti pružanja socijalnih usluga za djecu u riziku u 5 gradova BiH (Banja Luka, Prijedor, Tuzla, Mostar i Trebinje), mapirane su socijalne usluge i kreirana WEB stranica sa informacijama o tim socijalnim uslugama i organizacijama koje ih nude. Web stranica je www.socijalneusluge.ba
- 14) **Obilježavanje 18. Oktobra** podržano od strane Ministarstva sigurnosti BiH. Primarni cilj ovogodišnjeg obilježavanja 18. oktobra preventivno se odnosio na podizanje svijesti građana o problemima djece koja su izložena radnoj eksploataciji na ulici tj. djeci koja prose na ulicama grada Banjaluka. Medijska kampanja koja je trajala 20 dana, aktivna podjela letaka i drugog promotivnog materijala volontera Udruženja, postavljanje city light-ova i billboard-a, popraćenost kampanje od strane velikog broja medijskih kuća svakako su doprinjeli približavanju problema Trgovine ljudima našim građanima koji su ovim putem imali mogućnost dobiti više informacija o tačnim i preciznim koracima djelovanja ukoliko uoče maloljetno dijete kako samo i bez adekvatnog nadzora prosi na ulicama grada Banjaluka. Tokom obilježavanja 18. oktobra veliku podršku je pružilo i 10 volontera našeg udruženja.
- 15) **Regionalna mreža Dневnih centara za djecu uključenu u život i rad na ulici** podržan od strane Save the Children-a i Norveške ambasade. Od aprila 2014. Udruženje je preuzelo rukovođenje Sekretarijatom Regionalne mreže. Od tada je uspješno realizovalo dva redovna sastanka članica Regionalne mreže (jun i novembar 2014. godine). Na prvom sastanku u punopravno članstvo primljene su dvije orhanizacije (ARSIS – Albanija i ZZDP-Makedonija) kao i jedna pridružena članica (Žene sa Une – BiH). Na drugom sastanku usvojena je Strategija zagovaranja na period od tri godine, primljene su tri pridružene članice (Otaharin - Bjeljina, Vermont-Brčko i Centar za maloljetnike Gradiška, BiH), takođe promjenjen je izgled Deklaracije posvećenosti Regionalnoj mreži koji je prezentovan članicama. Formirane su radne grupe koje će pomoći pri izradi Akcionog plana za 2015. god. te pripremiti opis poslova za Stručni panel kao i radna grupa koja će pomoći pri organizaciji i realizaciji Konferencije Regionalne mreže planirane za mart 2015. Godine u Sarajevu. Obzirom na poplave koje su pogodile region u maju 2014. i druge programske promjene unutar partnerskih i donatorskih organizacija, redovne aktivnosti Regionalne mreže su se provodile sa malim zakašnjenjima, ali i dalje uspješno u skladu sa planovima Sekretarijata (redovna komunikacija sa članstvom, ažuriranje web i FB stranice, prikupljanje podataka kroz monitoring tool). Takođe u septembru jedna od članica (ZZDP Makedonija) je imala kriznu situaciju (mogućnost gubitka prostora za rad) sa kojom su se obratili Sekretarijatu, koji je reagovao pripremanjem pisma podrške uz saglasnost svih članica, koje su kasnije pismo potpisale i poslale organizaciji ZZDP. Tokom ove godine održan je jedan in-house trening (Izrada socijalnih karata za članove Udruženja Nova generacija) i dve studjske posjete (upoznavanje dva novootvorena dnevna centra sa radom dnevnih centara članica sa iskustvom) za članice Regionalne mreže.
- 16) **Put ka napretku** na kojem smo bili partneri Udruženju samohranih roditelja Ponos, a koji je podržan od Američke ambasade, a imala je za cilj pružanje podrške i pomoći roditeljima Udruženja Ponos u toku njihove obuke kako bi pronašli zaposlenje. Dok su

roditelji bili na edukacijama, Udruženje Nova generacija je osiguralo adekvatnu brigu za njihovu dječicu.

17) Usluga Plavi telefon – savjetodavna linija za djecu, finansirana od strane Udruženja. Usluga Plavog telefona, savjetodavne linije za djecu je pokrenuta 18.02.2013. godine. Cilj usluge je pružanje psihološke pomoći i podrške djeci koja su žrtve nasilja i zanemarivanja kao i djeci koja imaju problema koje ne znaju kako bi sama riješila, kao i odraslima koji žele da pomognu djeci koja su u problemu ali ne znaju način. U toku 2014. godine su održane dvije edukacije za volontere u trajanju od 40 sati i time je edukovano 28 volontera. Na Plavom telefonu je trenutno aktivno 27 volontera. Tokom ove godine, pored edukacije za nove volontere, u okviru supervizija održane su edukacije o trgovini ljudima, rad sa suicidalnim pozivaocima, gubitku, tugovanju, pomoć mladima koji su žrtve poplava i rad sa roditeljima u pomoći djeci u učenju. U okviru projekta Pozivom ka rješenju je održana edukacija o e-mail savetovanju. U toku 2014 godine Plavi telefon je primio 272 poziva, od kojih su 84 savetodavnog karaktera, 30 informativnog, 109 testirajućih a 24 poziva su bila pozivi prijave nasilja.

Udruženje je u toku ove godine bilo aktivno uključeno u pomoć stanovništvu koje je ugroženo usljed poplava koje su zadesile Bosnu i Hercegovinu u maju i avgustu mjesecu 2014. godine. U periodu od 4 mjeseca uvezli smo 10 šlepera pomoći, prkupili pomoć od građana Banjaluke te podijelili 22 500 paketa pomoći za 1761 porodicu. Također smo poslali i dva šlepera za Šamac i jedan za Maglaj, te jedan šleper medicinske opreme za bolnicu Apostol Sveti Luka u Doboju. Uručena je i donacija zavoja, flastera, pelena, invalidskih kolica i slične opreme Domu zdravlja Banjaluka i Domu zdravlja Šamac. Donacija dušeka, pelena, garderobe, vode, gaza, maski i sličnog uručeno je i Gerijatrijskom centru u Doboju.

U toku 2014. godine, u prvoj sedmici oktobra, obilježena je i IV Manifestacija „Prijatelj djece“ i 10 godina rada Udruženja na kojoj je predstavljan rad Udruženja u proteklom periodu, a bila je postavljena i izložba dječijih radova nastalih kroz brojne aktivnosti i projekte, kulturno zabavni program mališana koji posjećuju Dnevni centar za djecu. Prikazan je i kratki film „*Jedan dan u Dnevnom centru*“, mali i uspješni projekat vaspitača Dnevnog centra Saše Risojevića i djece. U prethodnih godinu dana imali smo 164 donatora iz vladinog, nevladinog i privatnog sektora, te brojne donatore pojedince iz Bosne i Hercegovine, Njemačke, Finske, Portugala, Mađarske, Francuske i Švicarske.

Predstavnici Udruženja su u toku 2014.godine imali 58 službenih putovanja u BiH, Srbiji, Hrvatskoj, Njemačkoj, Švicarskoj i Francuskoj na koja su išla radi edukacije, uspostavljanja saradnje, savjetovanja, razmjene iskustava i obezbjđivanja potencijalnih budućih donacija.

U toku 2014.godine imali smo i 4 studentice koje su obavljale praktičan rad u Udruženju i to dvje preko LYRA projekta podržanog od strane Save the Children-a, jednu studenticu iz Finske koja studira na socijalni rad u Švedskoj te jednu studenticu na praksi koja je bila preko saradnje Udruženja Nova generacija i Fakulteta političkih nauka u Banjaluci.

Udruženje je u toku 2014.godine obilježilo dva značajna datuma, 12.april –Evropski dan djece ulice i 18.oktobar – Evropski dan borbe protiv trgovine ljudima. U sklopu 18.oktobra organizovali smo i mini kampanju pod nazivom NE PROSJAČENJU! Te smo postavili billboarde i citylight-ove po gradu Banjaluci, štand sa promotivnim materijalima te smo postavili i plakate NE PROSJAČENJU! po kafićima u užem centru grada na mjestima na kojima djeca najčešće prose.

Na osnovu evaluacije koju je izvršio donator Save the Children, isti je uložio sredstva u izgradnju kapaciteta članova Udruženja, te su tri predstavnika učestvovala u radionicama koje je provodio InfoHouse iz Sarajevu. U toku radionica, vršila se izrada pravilnika i to:

1. Pravilnik o radu
2. Pravilnik o projektnim procedurama
3. Pravilnik o službenim putovanjima.

U toku ovih radionica, vršila se izrada sistematizacije radnih mjesta Udruženja i opis poslova, obrasci za procjenu rada osoblja te koordinatora odnosno menadžmenta te organigram Udruženja.

Kroz saradnju sa Fondacijom Mozaik, a u sklopu projekta All inclusive, uz stručnu pomoć i podršku smo izradili Strateški plan Udruženja za period od 2015.- 2020. godine.

Na nivou rada Mreže dnevnih centara u BiH u 2014.godini su izrađeni i Minimalni standardi i specifikacija usluga za terenski rad koji imaju za cilj da unaprijede terenski rad Udruženja u smislu lociranja mjesta u gradu na kojima se okupljaju djeca u riziku kako bi im obučeni članovi/volonteri/uposlenici predstavili i približili rad Udruženja te motivisali za dolazak.

Udruženje je 05. decembra, povodom obilježavanja Međunarodnog dana volontera, od Ministarstva porodice, omladine i sporta RS dobilo diplomu za poseban doprinos razvoju volonterizma te je jedan od volontera Nove generacija dobio i nagradu za najboljeg volontera u 2014.godini.

U decembru mjesecu smo kupili zemljište na kojoj će se organizovati aktivnosti izgradnje zajednice za beskućnike te druge aktivnosti planirane kroz Emmaus. Zemljište se nalazi u Piskavici i njegova površina iznosi 12 duluma.